



ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ
ԻԶԵՎԱՆԻ ՄԱՍՆԱԾՅՈՒՂ



WIKIMEDIA
ARMENIA

ՎԻՔԻՄԵԴԻԱ ՀԱՅԱՍՏԱՆ
ԳԻՏԱԿՐԹԱԿԱՆ ՀԿ

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

Երևանի պետական համալսարանի Իջևանի մասնաճյուղի և «Վիքիմեդիա Հայաստան»
գիտակրթական հասարակական կազմակերպության միջև

ք. Երևան

6.04.2021 թ.

Երևանի պետական համալսարանի Իջևանի մասնաճյուղը (այսուհետ՝ Համալսարան) և Վիքիմեդիա Հայաստան գիտակրթական հասարակական կազմակերպությունը (այսուհետ՝ Վիքիմեդիա Հայաստան)՝ որպես կրթության բնագավառում նորարարական գործիքների ներդրմամբ և կրթական ծրագրերի իրականացմամբ զբաղվող կազմակերպություն (այսուհետև՝ Կողմերը)

Կարևորելով Հայաստանի Հանրապետությունում կրթության ոլորտում 21-րդ դարի հմտությունների ներդրումն ու տարածումը,

Խթանելով դասախոսների և ուսանողների շրջանում ազատ և արդի գիտելիքի և դրա ստեղծման հանդեպ հետաքրքրության բարձրացումը,

Գիտակցելով, որ համագործակցությունը հնարավորություն կընձեռնի կրթության ոլորտում ներմուծել ժամանակակից մոտեցումներ և կհարստացնի վիքի հարթակներում որակյալ բովանդակության ստեղծումն ու տարածումը,

Նպատակ ունենալով ուսանողներին հնարավորություն տալ տեսական գիտելիքներին զուգահեռ ձեռք բերել նաև գործնական հմտություններ,

համաձայնության եկան հետևյալի վերաբերյալ.

1. Կողմերը պարտավորվում են.

1.1. համագործակցել Հայաստանում Վիքիմեդիա նախագծերում բովանդակության ստեղծման և զարգացման գործում,

1.2. ապահովել Վիքիմեդիա բովանդակությունից օգտվելու և Վիքի գործիքները կրթական գործընթացում

ներդնելու գործում:

2. Համալսարանի պարտավորությունն է.

- 2.1. Աջակցել հայերենով որակյալ բովանդակության ստեղծմանն ու ազատ գիտելիքի տարածմանը համացանցում:
- 2.2. Խրախուսել վիքինախագծերի ներդրումն ուսումնական պրոցեսում և դասախոսների ու ուսանողների ակտիվ մասնակցությունը Վիքիմեդիա Հայաստանի կողմից իրականացվող ծրագրերին:
- 2.3. Ուսումնական գործընթացի ազդեցության գնահատման մեջ օգտագործել վիքիմեդիա նախագծերում ուսանողների արձանագրած արդյունքների վերաբերյալ Վիքիմեդիա Հայաստանի վիճակագրական տվյալները:
- 2.4. Վիքիպեդիան ու մյուս նախագծերը ուսումնական գործընթացում կիրառելը ներառել դասախոսների գնահատման կարգի մեջ:
- 2.5. Ուսանողների ուսումնական պրակտիկան կազմակերպել նաև Վիքիմեդիա Հայաստան կազմակերպությունում:
- 2.6. Տարածել Վիքիմեդիա Հայաստանի կողմից իրականացվող միջոցառումների մասին տեղեկատվություն Համալսարանի ուսանողների և շրջանավարտների շրջանում:
- 2.7. Վիքիմեդիա Հայաստանի ներկայացուցիչներին հրավիրել մասնակցելու Համալսարանի կողմից իրականացվող այն նախաձեռնություններին, որոնք կօգնեն տարածել ազատ գիտելիքի գաղափարն ու Վիքիմեդիա նախագծերում խմբագրելու սկզբունքները:

3. Վիքիմեդիա Հայաստանի պարտավորությունն է.

- 3.1. Պարբերաբար և ըստ անհրաժեշտության կազմակերպել դասախոսների վերապատրաստում Վիքիմեդիա նախագծերը ուսումնական գործընթացում կիրառելու վերաբերյալ և հընթացս տրամադրել խորհրդատվություն:
- 3.2. Աջակցել դասավանդման գործընթացում Վիքիմեդիա նախագծերի և գործիքների օգնությամբ ուսումնական առաջադրանքների մշակմանը:
- 3.3. Պարբերաբար կազմակերպել ուսանողների՝ վիքիխմբագրման գործիքների վերապատրաստում և, ըստ անհրաժեշտության, տրամադրել մասնագիտական աջակցություն:
- 3.4. Համալսարանի դասախոսների հետ համատեղ կազմել մասնագիտական տարբեր ոլորտներից խմբագրման ենթակա հոդվածների ցանկը:
- 3.5. Համալսարանի կողմից իրականացվող Մասնագիտական կողմնորոշման դասընթացներում ներառել Վիքիմեդիա շարժման և վիքիխմբագրման մասին բաղադրիչ և աջակցել դրա ներկայացմանը աշակերտների հետ հանդիպումների ժամանակ:
- 3.6. Համալսարանի ուսանողներին ընձեռել Վիքիմեդիա Հայաստանում վերապատրաստվելու և ուսումնական պրակտիկա անցնելու հնարավորություն:
- 3.6. Համալսարանին տրամադրել Վիքիմեդիա նախագծերում ուսանողների կատարած աշխատանքների ծավալի վերաբերյալ վիճակագրական մանրամասն տվյալներ:

4. Այլ պարտավորություններ.

4.1. Կողմերը հանդիսանում են անկախ, իրենց գործունեությունն ինքնուրույն կազմակերպող կառույցներ, և սույն Հուշագիրը չի կարող սահմանափակել այդ ինքնուրույնությունը:

4.2. Կողմերը համաձայն են իրականացնել նաև այլ փոխաջակցություն ու համագործակցություն, որոնք բխում են սույն Հուշագրում հռչակված սկզբունքներից և չեն հակասում ՀՀ օրենսդրությանը, Կողմերի ներքին կանոնակարգերին ու որոշումներին:

5. Փոփոխություններն ու լրացումները.

5.1. Սույն Հուշագրում փոփոխություններ և լրացումներ կարող են իրականացվել ցանկացած Կողմի նախաձեռնությամբ և երկրորդ Կողմի համաձայնությամբ:

6. Հուշագրի գործողության ժամկետը և փոփոխությունները.

6.1. Հուշագիրն ուժի մեջ է մտնում ստորագրման պահից և գործում է անժամկետ:

6.2. Հուշագիրը կարող է լուծարվել ցանկացած պահի Կողմերից մեկի նախաձեռնությամբ՝ այդ մասին գրավոր տեղեկացնելով մյուս Կողմին՝ Հուշագիրը լուծարելուց առնվազն մեկ ամիս առաջ:

Հուշագիրը ստորագրող կողմեր

Երևանի պետական համալսարանի

Իջևանի մասնաճյուղ

ՀՀ, ք. Իջևան, 4001, Ուսանողական 1

Տնօրեն

Անուշավան Մակարյան

Վիքիմեդիա Հայաստան գիտակրթական

հասարակական կազմակերպություն

ՀՀ, ք. Երևան, 0023, Արշակունյաց 4

Նախագահ

Սուսաննա Մկրտչյան

ստորագրություն

Կ.Տ.



ստորագրություն

Կ.Տ.

